





鈞里耆舊傳卷



古曆正月

月

林寧性  
李青家  
藏書



正月地動一月十餘度以七曜占之多兵飢  
月改光啓元年夏四月維州山崩石墜飛



五月除授顧彥朗東川節度使

二年東川遣鄭君雄率眾侵畧至德陽縣殺破斬鄭  
君雄又常厚自峽中率兵據左綿僖宗皇帝到京後  
天下十道共修烹闕之次胡魯子反燒志盡駕幸寶  
雞又幸山南干戈復起四海不寧

三年冬十月十軍：客使田令孜除授西軍監軍使  
十一月到府

昭宗皇帝即位改元文德元年 秋八月除授韋太  
尉昭度劍南西川節度使陳太師知之乃治兵講武  
更置黃頭軍三都監軍使以書名召閬州王司徒建計  
其過綿水即出兵拒之將激其怒必攻諸州所在發  
兵交戰真韋太尉未以兵隔之則誣以王司徒起兵  
受境 九月王司徒大軍至閉城門不納 冬十月  
丁卯川軍與王司徒戰川軍敗退入城是日天色陰

條先主廟上黑霧起至暮王司徒抽軍回七里亭

丙子王司徒引軍入漢州界攻剽四面州縣東西兩  
川皆懼之

龍紀元年春二月庚午陳太尉發軍與王司徒大戰  
于三郫川軍敗績于是別修濠寨點丁牢城 夏四  
月軍容招前定戎軍節度楊晟建節于彭州與陳敬  
瑄為裏也 五月三都軍敗退歸府城王司徒據漢  
州城出軍把斷北路又獮牟鎮下先鋒寨新都縣下  
中軍寨 秋七月節度使韋太尉到川用王司徒為

衙內都指揮使秦割印蜀黎雅四州充永平軍節度使川庄陳太師守城韋太尉具旌節于城下以示城內百姓軍人告之曰新使在此何閉城門陳太師令左右詒罵城下云有缺券見在豈可違先帝命乎王司徒于東北向下寨韋太尉城西北下寨未經旬日

### 嘉眉州降

大順元年春正月分兵擊邛州都知兵馬使任可知殺刺史毛湘以城降又東川助兵三千人城外置守行府徵科諸州稅賦嘉眉州運糧供軍內飢乏死者

不可勝數父母委棄雖稚不相保養居人多以藜藿充濟皆有菜色殍仆者甚衆軍人多偷刈新麥每一斗直二千餘金亦潛于常太尉寨市易鹽相次人數稍多遂成隊有聞于太尉太尉曰一城飢餓忍不救之並不要問城內亦有聞于陳太師太師云吾尚恨無計救卹一任遂便以此稍布市井夏五月城內乏食民倍惶逼相欺凌無有怕惧所在斬殺屢暴尸其有軍都慶則稍開別街巷則寂靜是月資雅黎三州相次歸降時以攻圍日久其城未拔王司徒



白韋太尉曰今領數萬之衆勞師以事樂矣近聞洛陽以米漲鎮相噬朝廷姑息不暇主上憂勞不如以兵威靜中原是國之本相公盍歸覲面奏此事常公然之翌日又諷三軍于行府門告糧闕乃執韋公親吏駱別霍縈而食之韋公益懼因召王司徒謂曰某年哀風恙恐不任持已具奏聞即便離任今表申奏署授司徒節度留後行營招討使候至關庭奏聞請降西川旌節在後更保功業以慰民望乃以牌印授之六月己卯進發王司徒祖餞送至新都韋公請

回無更遠離帳幄常太尉發後王司徒移居中軍寨城內百姓往來交易販米入城以竹筒量賣截筒深一寸濶一寸二百文須三五人共賣一人接錢兩人把手定則以米寫衣袖中將歸斫之煮湯共喫老弱者雜買或聚或散固無行鋪街巷飢人死者無數或過一夜風雨來日便成白

冬十月發兵圍彭州

天順二年秋城內糧盡八月庚寅陳敬瑄田令孜開城門携牌印出降王司徒與之並轡入城安撫軍人百姓放陳太師歸花林坊本宅田令孜歸碧雞坊

宅時克定州府之後以萬民久罹塗炭初見廓清行  
滌蕩之恩布寬仁之令  
景福元年春有詔貶田令孜授湖南監軍陳敬瑄于  
雅州安置王司徒慮其生變繼令孜于府城斬敬瑄  
于新津具表疏其惡也

三年夏彭城內窘蹙初年米每斗五千第二年十千  
三年糧盡百姓逃相啗食 五月庚申楊晟自劾城  
門開自景福元年五月二十日圍城至三年五月二  
十三日首尾三年蓋楊晟不識天時致害民庶 秋

七月與東川碩相公備好結秦晉之姻是歲改為乾

寧元年

二年春三月創徵雜稅綾一疋一百文絹一疋七十  
文布一疋四十文猪每頭一百文時修寶曆寺有僧  
智廣偕姓崔氏善救病以竹片為杖拍其痛處決之  
無不立愈癒者便伸跛者能行其餘疾苦應手痊損  
川主司徒崇重之請于寶曆寺為人療病所得錢物  
回用修造遂于寺內五丈天王閣下居止于是病者  
競來皆得痊愈日獲三五千告諸貧者不用施錢時

號聖僧師本在雅州開元

三年起軍收東川

四年秋九月平定東川

五年秋九月改為光化元年江漬也魚無數皆死  
浮出水面長尺餘以車般之送于城外

二年秋八月差發決雲軍使田師侶統押兵士三指  
揮收獲閬州次克巴達薛三州

三年春三月田師侶移軍收渝州

四年改元天復元年封蜀王

五年春三月發舟師一萬五千人鎖峽是歲大水嘉

州漂蕩尤甚時有咒土僧念尊勝修淨衆寺

三年三川晏寧五稼豐稔梁漢夔峽東西五千餘里

山河肅靜

六年昭宗皇帝遇害少帝禪位梁時三軍縞衣奉

哀

七年秋九月文武勸進羣議云蜀主即皇帝位改  
唐天復七年為武成元年郊祀天地大赦境內赦文  
曰圓蓋方輿萬彙共資其覆載春生夏長四時不息

號聖僧師本在雅州開元幸揭帝神堂內居

三年起軍收東川

四年秋九月平定東川

五年秋九月改為光化元年江濱也魚無數皆死

浮出水面長尺餘以車般之送于城外

二年秋八月差發決雲軍使田師侶統押兵士三指

揮收獲閬州次克巴達辭三州

三年春三月田師侶移軍收渝州

四年改元天復元年封蜀王

五年春三月發舟師一萬五千人鎖峽是歲大水嘉

州漂蕩尤甚時有咒土僧念尊勝修淨衆寺

三年三川晏寧五稼豐稔梁漢夔峽東西五千餘里

山河肅靜

六年昭宗皇帝遇害少帝禪位梁時三軍縞素奉

哀

七年秋九月文武勸進羣議云蜀主即皇帝位改

唐天復七年為武成元年郊祀天地大赦境內赦文

曰圓蓋方輿萬彙共資其覆載春生夏長四時不息



于推迂所以茂成歲功寧遂物性帝王取象文質進  
興遵革故之令猷敷鼎新之至理朕上膺降命俯徇  
樂推宗廟告虔孝思既展却丘備禮嚴配式遵欽承  
享國之符允叶奉天之道祀羣咸秩有感必通雲龍  
方覩于在天雷雨頌聞于作解且湯開三面延景祚  
六百餘年漢革五刑繼丕圖二十四世皆以恤辜宥  
罪勸善興仁特行滌蕩之恩用致洽平之化自唐朝  
運改土德數終初乃召寇以纏兵竟至迂都而滅國  
賢良塗炭朝市丘墟生人既失其所天大事須歸于

有土遂至蚩夷濫歎士庶傾心謂蜀都同章武之時  
兼漢嗣絕山陽之號共陳天命屬在朕躬一從踐位  
以來倍軫臨深之惧每念生民塗炭刑政猶繁因告  
類于穹昊合流恩于屬縣紀年定曆既正鴻名布澤  
行春式和均氣可大赦天下改唐天復八年為大蜀  
武成元年正月十日昧爽已前大辟罪已下罪無輕  
重已發覺未發覺已結正未結正見繫囚徒常赦不  
原者咸赦除之唯十惡五逆屠牛鑄錢固意殺人捏  
寔造印結聚徒黨逃走背軍合和毒藥私鹽茶麩持

仗行叔官典犯枉法賊蕪淪濫身名冒授官爵罔  
之內官吏用情致令究濫不問有賊不在赦限左降  
官不問罪輕重並與量移其有情無狡盡事不邪者  
委中書門下酌量矜貸使與牽復授官州縣典吏及  
諸色人配流在遠已經懲斷者並宜釋罪放歸兼有  
軍人百姓先有公事關連逃避諸州縣鎮不敢歸還  
者亦任却歸本貫所在不得勘問擾攪朕自援旗誓  
衆伐鉞平戎廓定封疆安保生聚克成帝業實用武  
功每思將帥之勞宜獎初終之効其在城及東川山

南武定武信武泰等道并兩路前軍諸鎮都頭節級  
將士等一時即位日雖已各有頒賜既經大札更示  
殊恩應都兵知馬使已下至節級官健今有優給各  
有等第處分稼穡雖登黎元未泰每于旦夕常所焦  
勞將漸致于貽蕪已累行其矜放但念方屯師旅難  
闕賦征緣同切于乂安宜共資其贍給自去年八月  
已後十月已前繼有指揮併蜀逋欠非無惠澤下及  
烝人尚慮疲羸未息艱苦畿內諸州及諸州府應徵  
今年夏稅每貫量放二百文今年正月九日已前應

在府及州縣鎮軍人百姓先因侵欠官中錢物或保  
累填陪官中收沒屋舍莊田除已有指揮及有人徑  
管收買外餘無人射買者有本主及妻兒見在無處  
營生者並宜給還却據元額輸納本戶稅賦冬選之  
人例聞羈旅常思任用以救棲遲兼勸進官僚人數  
不少朕昨終登寶位更布俾思或擢在班行或委之  
州縣凡選用略盡搜羅其間或有謬結前銜妄稱入  
仕既未辨其真偽又可哀其困窮是用銓衡莫分玉  
石切在精研選士據實推公自執規繩勿隨請託但

曾經赴任委不敗官不犯刑章又無賊污告赤圓格  
考課分明便仰依資注官銓司不得稽滯如有失墜  
告赤無以自明但有失墜時公憑及于本任官處取  
得文解者並准例叅選朕則是唐朝兵革之後淪濫  
尤多附勢力者未必有材抱孤直者或聞無位自今  
已後委有司博求幹濟慎擇端良諳熟吏途詳明法  
律先能潔己方可理人就中令錄之尤雅切在銓衡  
之精選或有節度判史上表論薦皆須審諸行事類  
著才能保無苛虐之心方允奏陳之命如聞夫奉必

罪所知諸州府或有賢良方正能直言極諫者達于  
教化明于吏才政術精詳軍謀宏遠韜光待用藏器  
俟時或智辨過人或詞華出格或隱山林之迹或聞  
鄉里之稱仰所在州府奏聞當于量材叙用自唐室  
傾淪梁國篡奪上國俄成于茂草中原莫有其遺民  
三百年之文物一空數千里之生靈無主星辰既紊  
運祚俄迂捕王氣之東沉聽頌聲之西起率土之黔  
黎老幼竟獻臣心滿朝之文武忠賢皆陳天意克隆  
基業合重獎酬應内外文武官等或賜功臣名號或

與一子出身兼勸進官資以旌勲業並當續有慶分  
朕頃事唐臣嘗居親衛受藩鎮封崇之貴著冊書鐘  
鼎之勲至于朝右公卿方面侯伯皆契忘家之誓俱  
同許國之誠其殒身王事之中過襖賊庭之內言念  
及此痛憤良深應自僖宗朝凡在有功文武大臣顯  
忠孝者並委中書門下追贈仍搜訪骨肉量材錄用  
又在閬州起義之日應有隨駕大將勅命功臣或遭  
疾以淪亡或當鋒而枉皆是捐軀為主臨難喪生  
殊功無日而暫忘遺烈千年而不泯並委中書門下



抄錄次第各典追贈有子孫者特授官榮所莫澤被  
幽明仁霑存沒又自朕剖符之始分間已來副予委  
用之心匪贊勲庸之士同甘共苦竭節輸誠推公不  
避于流言臨事唯思于盡瘁則有故武信軍節度使  
張琳操持勁直才術縱橫成今日之鴻基自斯人之  
懿績不享朝天之祿遽興失手之悲言念前功常思  
厚報宜追贈太尉以報幽寃其嗣子更加正官仍賜  
章綬故山南節度使王宗滌早膺任用累著勲勤征  
行不憚于風塵陳敵常先于士卒論其實効可謂勞

臣無何以富貴生驕灾殃自擻不守初終之節遽萌  
悖慢之心驗人情而共憤滿盈定國法而難私斷割  
遂行典憲深用矜傷當景運之初興在故臣之可念  
宜加洗雪用慰幽冥宗滌並却還在身官爵故茂州  
刺史張造故蜀州刺史李師泰故邛州刺史李簡故眉  
州刺史張勅故漢州刺史宗裕都知兵馬使劉璋奉  
礼盖獲張全真張行立韓在田威等並宜追贈朕自  
臨蜀國實庇瘠民皆資先哲之威靈獲王故都之城  
邑方憑幽贊以永天休上荅玄功宜尊舊號先主昭

昭主烈皇帝宜委中書門下追崇尊號 脩冊儀忠  
武侯諸葛亮別加美謚追贈王爵應有名山大川靈  
祠聖跡皆豐凶所係水旱是司並宜追贈公侯用酬  
玄旼朕爰自統臨八國同心諸藩却落首領已下宜  
差使臣各賜詔勅分物宣諭其見在鴻臚禮院入朝  
藩客等各賜分物續有勅旨處分刺史縣令身皆受  
職寵在分憂非唯效荅于恩榮亦在保全于終始將  
申報國只計安人其有徭役不均刑法不中鄉縣凋  
弊稅賦逋懸必當分命使臣大明黜陟若清庶可獎

課績有聞或就轉官資或超加任用並舉勸懲之命  
以彰悔過之名太倉及諸州縣受納斛斗並仰太府  
寺准舊例校勘逐年給付所司除本分耗剩外不得  
加一升一合致百姓積累逋懸如有回違必行朝典  
其有外州遠縣官吏等輒徵估價並許百姓諸關論  
訴不計官職高卑並正刑名處分在京百司禁囚徒  
推勸業成皆括本罪本官詳斷只據所申倘陷深文  
便行極法或恐推司人吏抑遏代書既不坐其本情  
實慮遺其枉法自今後委御史臺常加覺察若有寃

濫便具奏聞必當別遣推窮重行懲斷致理之源無  
先養老化民之本尤恤孤或矜黃髮之年或念白華  
之節哀老者宜加恤孤惻者亦在撫安應國內有  
耆老年八千已上賜米二石九十已上賜米三石百  
歲已上賜米五石兼綿絹酒肉有差並仰所在長吏  
切加安存其有不幸者量與津置殯送仍撫其孤弱  
義夫節婦孝子順孫並加旌表門閭終身優假國之  
教化庠序為先民之威儀禮樂為本廢之則道替崇  
之則化行其國子監直令有司約故事速具修之兼

諸州應有舊文宣王廟各仰崇飾以時釋奠應是前  
朝舊制或有開國新規制勅之所未該教化之所未  
備或刑法不中或倫序有乖則諫臣不可不言率執  
不可不奏且諺木之設本俟諍臣匭函所收先覽寃  
狀所以凡聞利病恚要聞知自今已後或事有便宜  
理非允當並須旋具論奏共議改更必當留折檻以  
旌賢無或懼觸鱗而避事應南郊行事亞獻終獻揖  
事行礼官吏等改轉優賜並候續勅處分應飛龍閣  
廡內作器仗諸雜工巧黃衣三衛四色細仗掌扇黃

鍾典彭等六各委所司分析姓名申奏當議優賞  
馬都尉普恩之後仍各賜一子八品正員官赦內有  
未該恩例及合條流事件各仰所司起請施行開國  
之初既勤行于德惠改元之後尤企望于樂推惟是  
革弊造新去華務實有利于民者不得不用有害于  
政者不得不除公平必致于民安富庶自成于國霸  
息雖不悛法且無私赦宥者各仰自新釐革者皆宜共  
守俾逆滌蕩永致清平敢以赦前該息事相告者以  
其罪之挾戴軍器亡命山澤百日不前復罪如初

赦書日行五百里仍付所司牒至准勅故牒



錦里耆舊傳卷二 起武成三年盡同光四年春

前崇川應靈縣令勾 延慶 纂

三年大梁遣使通聘書曰夫唐虞政治遵禪讓之明文湯武開基允神人之至願必有神器是膺皇圖况古今迭代之期英豪興隆之數莫不上開天命下順人心啓王霸之宏机為子孫之大計咸遵軌轍並載簡編且念與皇帝八兄頃在前朝各封異姓土茅分裂皆起將相之尊魚鴈往來久約弟兄之契歡盟甚固功業相推俄阻絕于音塵止因緣于間諜以致時

哀土德運應金行雖手足胼胝粗平多難而星辰符  
瑞謬付朕躬當百辟之羣情極四方之積患爰都河  
洛用答乾坤尋聞皇帝八兄奄育西陲畫朝三蜀別  
尊位號復統高深一時皆賀于推崇兩國願通于情  
好徵曹劉之往制各有君臣追漢楚之前蹤常分疆  
宇所冀同清爽夏俱活生靈載籍具存恢張無爽去  
歲密聞風旨遐想寤思憤岐隴之猖狂逼褒斜之封  
微欲資牽制用速掃除遂委永平軍節度使劉鄩特  
遣行人先導深意旋已往差精甲將擊妖巢念數鎮

之驍雄鼓六師之威勢尋聞遐遁殆至滅亡允懷特  
角之謀尤得輔車之利近併覽同華之奏報皆進呈  
褒祥書題具志事机良多歎沃今專馳卿列恪達衷  
懷重論金石之交別卜墳簞之分山河共永日月長  
懸瞻竚好音言不盡意今遣光祿卿盧玘閤門副使  
少府少監李元聊馳書幣專戒道途兼有微礼具在  
別幅謹白

馬一十匹紅纓子鞍轡各一事

紅耳叱騷馬一匹金玉開裝四垂鞍轡一副

紫叱驂馬一匹白玉裝鞍轡一副  
白驄馬一匹金鍍開裝鞍轡一副  
烏叱驂馬一匹金鍍龍鳳五垂銀鞍轡一副  
烏叱驂馬一匹金鍍銀開裝鞍轡一副  
白驄馬一匹金鍍銀開裝鞍轡一副  
青叱驂馬一匹裏花五垂銀鞍轡一副  
青叱驂馬一匹陷金玉五垂鞍轡一副  
溜叱驂馬一匹金鍍開裝五垂銀鞍轡一副  
紅耳叱驂馬一匹金鍍五垂開裝銀鞍轡一副

玉犀腰帶二條并雜物等

黃排方琳琳腰帶一條頭尾順缺十二事

通牡丹犀排方腰帶一條頭尾順缺十二事

金香一十斤 麝香五千劑

犀一十株 琥珀二十斤

玳瑁二百斤 金稜琉璃碗十隻

銀稜祕色鈔鑼二面 金花銀裝厨子一對

金花渾銀裘龍鳳儀注槍四條

金花銀裘龍鳳儀注槍四十條

金銅甲二副并副勝兜鍪全

藥物一十三味

茯苓一十斤

茯神一十斤

酸枣仁五十斤

玉鹽五斤

新羅人參一十斤

牛膝一十斤

枳殼一十斤

五味子五斤

赤箭一十斤

鹿茸一十對

顆棗一千枚

羚羊角五對

牛黃一百株

右件藥物等或來從燕市或貢自炎方或磬  
香能助于熏炉或華妙可資于寶玩至于劍  
涵星斗藥有君臣願伸兩國之情重固千年  
之約愧非縟禮粗達深衷特希檢留幸甚謹  
白

荅書

大蜀皇帝謹致書于大梁皇帝閣下竊念早歲與皇  
帝共逢昌運同事前朝俱榮倚注之恩並受安危之  
寄豈期王室如燬大事莫追橫流泛濫于八方哀壘



凌夷于九廟此際與皇帝同分茅土共統邦家扶危者力既不宣握兵者計無所出某忝列同盟之分幸居平蜀之功所宜治兵甲以固封疆聚征賦以修進貢望星使而經年不至指雲卿而就日無期遠聞皇帝應天順人開基立極拯生靈于塗炭示息信于豚魚東南之王氣咸歸河洛之殊祥畢至四門盡闢百度唯貞無競于興邦正施仁而濟衆以此內量分限不在經綸七十州自可指揮八千里半日開拓遂至萬民叶議八國言朝爰徵史冊之文亦有變通之

說且東漢亂離之後三國齊興西周微弱之時六雄競起俱非恃強逼禪皆以行道濟時雍容于揖讓之前輕重于英雄之內况西蜀開山立國燒棧為謀稱雄雖處于一隅避狄曾安于二帝鼎峙之規模尚在山呼之氣象犹存永言梁蜀之歡合認弟兄之國今蒙皇帝遠尋舊好專降嘉音俱無間諜之嫌再叙始終之約疑慮則春冰共泮開通則東海可歸光榮遂被于子孫暢遂咸敷于朝野今則盡焦勞而已用儉勤以歸資嘗瞻偃草之風以繼用天之道又蒙厚

加賜既別降珍奇十驥連鑣六龍並駕稱德曾參于  
萬乘呈才皆過于千金載視戀主之心並勵懷恩之  
志寶帶輟異方之貢名香加遠國之珍奇鋒利過于  
雪霜雅器價齊于金玉入用多慙于未識捧持方喜  
于初視望思而一日三秋仰德而跬步千里自此榮  
遵天路繼道星槎緘章不俟于飛鳶裂帛豈勞于繫  
鴈欣榮慰喜併集于此時故以專使盧卿等回畧陳  
所志幸望開覽謹白

謝信物等

古件鞍馬及腰帶甲冑槍劍麕臍琥珀玳瑁金  
稜碗越菟器并諸色藥物等皆大梁皇帝降使  
賜既雕鞍撼玉堅甲爍金十圍希世之珍六轡  
絕塵之用槍森地擗劍耀龍鋒金稜含寶梳之  
光祕色抱青菟之響上藥非蜀都所紀名香送  
外國稱奇遠有珍華並由惠好願酬謝而增愧  
仰渥澤以雜勝捧閱品名實慚祇受

二年春冊皇太子

永平元年秋九月築柳堤

二年秋七月皇太子元膺作亂樞密使唐道靜等率兵敗之至翌日擒獲戮之于摩訶池畔 初五月二十三日丑時天上忽震一聲有電光飛數丈或明或潛滅皆云天狗也占其下殺萬人至是勦戮之數也斯驗矣

三年冬十二月雲南蠻寇邊大渡河至沉黎

四年春正月叢王將兵討之殺退溺河者不知其數歸降者三千餘人斬獲坦綽布燮清平官等收奪器甲馬牛軍資財用八千餘事凱歌而還是月荆南高

令公發兵攻峽路嘉王率衆具戰艦沿流下峽未至夔州刺史王先成已殺退嘉王以王先成伐功侮慢斬而後秦帝甚怒之天漢元年戎州界獠胡連等及七州捕盜使王球領兵討平之

光天元年春三月西域胡僧滿多三歲來游峨嵋山却歸西國 夏六月帝崩 太子衍即皇帝位改元

乾德 秋八月先皇 陵

二年春正月有事于南郊大赦國內 二月雲南遣

使朝貢 夏六月雙虹頭入福感寺後堂內光輝照  
溢廊宇良久而沒

三年春三月築子城西北夾寨堤引水入大內御溝  
水出東流仁政樓

五年春二月丙午日有食之

六年春雲南進江猪 夏四月于大內造村坊立市

肆令宮嬪着青布衫褙開酒肆食店雜男女之飾貨  
柴麩一如民間叫噪爭打男女混雜交易而退帝與  
諸后妃以為笑樂

咸康元年夏六月續添閏十二月曆日一紙印造施  
行春初頒曆只以十二月暨夏方知唐朝曆日閏添  
之也是歲遣翰林學士歐陽彬通聘洛京回莊宗皇  
帝遣客首使李巖來修好巖朝見笏記曰伏自朱溫  
肆逆運屬昭宗三年痛別于西秦一旦逼迂于東洛  
誅殘南地焚藝宮闈雖列藩恚是于唐臣無一處不  
逆其偽命由是大唐中興皇帝念高祖太宗之業倏  
爾隳張憤朱溫崔胤之徒同謀篡弑遂乃神机迴發  
心鼎獨燃渴滄溟而誓戮鯨鯢芟林莽而決陰席兇



十年對壘萬陣交鋒而久困于生靈而再逃其死士  
繞過汾水縛王鉞槍于馬前旋及夷門斬朱友貞于  
樓下劍霜未匝槍雪猶輝段凝統八萬雄師倒戈伏  
死趙巖知一人應運引頸待誅遂使賊將寒心謀夫  
拱手取乾坤只勞于八日救塗炭遂定于四方脩振  
皇威咸遵帝力今則秦庭貢表而浙稱臣淮南陳負  
拜之儀回紇脩朝天之禮總安宇宙便息干戈未盡  
泉夷方議除翦豈謂大蜀皇帝柔懷遠迹居安慮危  
喜我帝祚中興群妖悉滅特遣蘇張之士來追唐蜀

之歡吾皇迴感于蜀皇復禮遠酬于厚禮臣則叨承  
玄造獲奉皇華載馳得面于天顏戰汗不任于跼地  
臣無任感恩荷聖踴躍屏營之至 冬十月庚申朔  
甲子帝幸大雄軍 秦川即文武臣僚諫諍不允駕至  
利州唐國發大軍已過金牛帝大驚扈從百官旋各  
分散輦轂倉皇奔馳歸國 十一月庚寅朔丙申帝  
歸入內京城涕撓至壬寅唐國使李巖走馬入城宣  
唐勅命安撫三軍萬姓又去六軍使齊王宗弼先已  
有狀歸降興聖太子令見引領大軍相次即到帝與

太后一時號泣左右悲哀帝遂召歐陽彬修降表曰  
臣聞滄海澄波納百谷朝宗之水皇風扇物來萬方  
向化之人蓋由負罪不誅銜冤獲免鄭伯沐焚棺之  
惠許男荷解縛之仁得不頂戴穹昊仰祈渥澤恭惟  
皇帝陛下承乾啓運握鏡開圖發机而上應天心恤  
物而下民從欲繼十八祚崇龍之德高步泰階應一  
千年挺特之風廣施王道混車書于天下走犛教于  
域中而臣僻在遐方遠居蜀郡承先父經營之業為  
己人主者之司但荒聲瞽之迷罔顧危亡之患玉帛

既垂于正朔苞茅是闕于薦羞殊不知唐德維新玄  
功再造致王師之遠辱勞雄武以遐臨太陽照而冰  
雪自消睿澤敷而黔黎盡泰而臣自知罪疊不敢違  
逃命戎士以倒戈挈壺漿而塞路遂即昇棺麾下束  
手馬前向丹闕以馳魂掩黃沙而聽命豈謂魏王希  
惠真宰垂仁入臣境無犯纖毫問臣罪不加一二傳  
陛下好生之旨闡堯天 惡之文釋殘生于撲滅之  
燈全必死于戲魚之鼎使肌膚重生于聖日焦枯再  
沐于天波狀則畫節輸誠安足以贖臣之罪塗肝碎

瞻不足以報君之恩幸得捧日傾心歸明向化積悞  
而鋒鏑聚背推恚而丹赤貫心今則已遠龜城將趨  
鳳闕維亡家國喜歸有道之朝縱別鄉園幸在太平  
之化臣以正月一日與母親并姨舅兄弟骨肉等發  
離當道奔赴京師攀望聖慈無任瞻天仰德惶惧戰  
越死罪之至發表後魏王車駕至漢州 乙巳王宗  
弼領兵先入城是夜王宗弼遷帝于西宮至丙午自  
稱兵馬留後散差人收內庫金銀寶玩并諸王節相  
宅內財物 戊申勅榜曰朕以蜀部封疆本是我唐

境土爰從兵革遠阻江山當偽梁篡弒之時致宗廟  
陵夷之難遂茲割據蓋遂便安雖行建號之謀乃是  
從叔之道况復蜀主先父素是本朝舊臣常懷忠孝  
之心每俟興隆之運唯期恢復却效傾輸朕以初珍  
寇讎重興社稷撫諭之恩既廣優勤之意常深須務  
綏和貴諧混一遂令元子兼命宰臣遠安後后之心  
既叶來王之願遐想王師行李已及彼地城池遠降  
詔書明行示諭料其素志必契夙心當符魚水之歡  
永保山河之誓一應偽蜀文武官僚等或本朝舊族

或本朝舊賢或抱節于軍戎或著名于御曲久浸  
隔常軫情懷宜知乃勝之思各勵歸誠之款今以降  
勅命誠約諸道兵師如西川果決歸明到城內不得  
驚擾但思効順勿致懷疑 己酉齊王宗弼斬東院  
開府宋光嗣西院開府景潤澄北院開府歐陽晃成  
都尹韓昭等出榜示奉魏王教令宋光嗣等久居內  
庭恣行權柄幻惑少主減削三軍仰處斬訖奏 甲  
寅蜀主與宰臣王楷文武百官素服樹壁牽羊與觀  
出城降魏王太子于是熱觀釋罪望北拜息却歸入

城魏王遣李嚴于三市慰諭軍人百姓 丁巳魏王  
與聖太子入城 閏十二月己丑朔斬傷齊王宗弼  
并男駙馬都尉承班等榜曰 竊以前件人等擅廢  
本主專殺內臣潛取資財將為己物爰自收降城邑  
又無犒賞三軍俱是元亮須加顯戮初王宗弼多收  
內庫并諸節將宅寶貨于城外獻魏王及招討郭令  
公魏王曰蜀之山河皆我家之有方款善施惠化何  
用寶貨而為遂不受至是誅之又斬秦州節度使王  
宗休以其修行宮迎蜀主又引軍收蜀竊以王宗休



食人之祿于國不忠貴擁節旄位居屏翰飾宮室以  
誤主引師旅而收城悖逆之深莫甚于此豈可君廷  
臣在國改家存顯示衆爽神人惟快

同光四年春正月戊午朔前戎州刺史蕭懷武眉州  
刺史鮮于皋作亂擒獲與逆皆伏誅 庚申蜀主及  
太后嬪妃宰臣王楷唐傳素張格許寂等進發入洛  
歸朝 甲子走馬使到宣勅斬招討使郭崇韜父子  
四人為到蜀取豪富家金錢馱載歸京關戊申秦遂  
降勅誅之 甲戌北都留守孟知祥除授同中書門

下平章事充劍南川節度使到府 戊寅魏王以孟  
公至大慈寺拜僖宗御容又至延祥院見傷蜀少主  
真容並令掃抹塑北方天王一身至今存焉 庚寅  
魏王發離成都歸京至綿州康延孝以殿後軍作亂  
回趨成都屯廣漢川王頗有憂色護軍焦彦賓拍畫  
討伐與東川節度使董璋會軍擒康延孝送至利州  
魏王斬之于是兩川平定 夏四月丁亥朔己丑蜀  
主與母徐氏太后諸王公 嬪妃至雍州時莊宗出  
征王皇后矯詔就秦川驛害之至明宗朝追封順正

公薨于京兆府三趙村是月明宗即帝位改元  
天成元年甲午魏王平蜀回至渭南諸軍潰散為帳  
下親軍所繼

錦里耆舊傳卷三

前榮川應靈縣令勾

延慶

二年春二月壬午朔己亥川主斬西川監軍使李嚴  
時明宗篡位川主以前朝懿戚心不自安至是內容  
省李嚴承樞密使安重誨密旨貯圖謀之意添鄰郡  
網羅于兩川乃斬之聞奏自是方思割據厲兵秣馬  
與東川董相公璋論秦晉之親結唇齒之約  
三年冬築羊馬城  
四年春飢荒米斛四百文

長興元年秋兩川起兵討遂府利閻并黔南夔萬等  
州勝示曰 蓋聞王皇御下思信乖而叛離臣子事  
君猜忌生而权變固不可刮席而忍耻膠柱 移音  
開戶牖以放式長根芽而稔患以至舉戈問罪誓衆  
言征旁庇齊民式求多福某國朝懿威受命莊宗自  
節制于西川過鼎移于東洛且以時變則變喪君有  
君因盡節而傾誠遂梯航而入貢五年之內發運無  
虛積數五十萬緡粗給中朝之費此則勵勤盡于天  
子欲表率于諸侯宇內皆知人誰不見至于屢加官

秩亦荷寵光不幸間諜潛興窺覷顯露于閭中而立  
節就列鎮以益兵搖動我軍民控扼我噍輩頻將異  
議累具上聞莫粗軫之懷染希稍安于方面而朝廷  
不以為德轉深其疑竟垂魚水之歡自絕雲龍之共  
其與東川相公已聯姻好况密封其朝聞雞犬之聲  
暮接笳鼙之響地里雖分于兩鎮人心何異于一家  
勢比同舟事資共濟今與東川點檢馬步軍十五萬  
人騎分路往武信利閻路點夔等州問逐制置之由  
屯集之衆其行師法令別載條章務 晏寧必無侵

唐况王氏開國久霸成都東則鐵鎖于瞿塘北則泥  
封于火散自是子孫失守將相離心全在蜀之烝人  
固未忘于霸主其目衆多之感舊奮武旅以開疆佇  
遣四民各安其業朕浚花林步月錦水行春繁華何  
讓于往年爵祿重新于此日凡百士庶宜体端倪  
秋九月辛酉朔丙辰收下閬州勝曰 昨者兩川以  
朝廷自生疑貳不体忠良信謬賊之間言致諸侯之  
離德始則閬州節度使李仁矩兩來奉使頻此覘窺  
謂于果聞之間便是控臨之地妄興謀畫濫置節旄

及奸計之遂心猶陰邪而未已數聞奏報背請兵師  
欲結禍階自為戎首所以東川相公慮其稔惡須議  
推亮連興貌武之師共破豺狼之窟自今月二十九  
日酉時得東川相公來書云二十五日夜三更三點  
親領兩川大軍四面圍衆攻打閬州城池至其日平  
明打破斫到李仁矩首級并捉到都指揮使姚洪馬  
軍指揮使王景步軍指揮使費暉等訖餘城下見机  
來投指揮使都頭已下便與賞給安存兼本城軍人  
百姓並不傷動外餘拒敵黨類殺戮無餘此則天贊



兵威人叶勇力遂至元亮斬首同惡就擒我師四合以環圍逆壘一攻而瓦解捷書雷迅喜氣山橫想與士民同多慶快見便乘勝前進攻收利州只期及掌之間便俟克敵之捷 冬十月辛卯朔辛亥右廂馬步都指揮使張業收下夔州并黔州勝示曰 今月二十一日據峽路行討伐招收使狀報黔南節度使去今月二十七日將手下元戎兵士拋本州下水奔竄尋差衙隊指揮使朱偓部領左右飛棹并諸指揮兵士乘戰船十五隻往黔南安慰至今月二日午時

回其黔南節度使今見在梁溪圍點元隨兵士及旋添水軍却有五百餘人排比小戰舡候寧江接應兵士到却欲歸渡本州其朱偓當日辰時步領戰船往渠溪嚴逐至午時與賊軍相見交戰趁下水約百餘里至鄧都頭殺獲賊軍一百餘人斬黔南内外都指揮使郭太尉吳近思張瓊等三十餘人侵得器械衣甲不少收獲牌印四副其黔南節度使則携餘黨乘小舟沿流直下忠州者竊以大舉舟師遠征峽路旗鼓總聞其下瀨雲備尋指于上游連降郡城繼收

營監勢且捷于破竹聲有類于藝蓬今則更閱捷書  
屢開勝策况寧江軍以黔南為肘臂之地以渝合為  
饋運之衝我已斷之彼何望矣節師棄城而竄通裨  
將兼隊而追擒數俘誠以既多收鎧甲而亦衆指期  
蕩定以固封隅凡曰軍民攸同快慰 十一月左廂  
馬步都指揮使趙廷隱收下利州 十二月左方廂  
馬步都指揮使李仁罕打破遂州殺節度使夏魯奇  
于是朝廷夷東川董相公一族  
二年天子歸罪安重誨後川主却修職貢

三年夏四月辛巳東川董相公擁兵來襲我至漢州  
昭武軍節度使趙廷隱討平之勝示曰 蓋聞皇天  
無親唯德是輔明神不昧稔惡則止逆賊東川節度  
使董璋包藏禍心良背盟約暴興士馬急寇封圻迎  
鋒而尋滅全軍單馬而竄歸本府昭武司徒統領大  
衆追襲餘妖則有前陵州刺史王暉親其將亡回圖  
轉禍梟斬董璋父子隻敵其元 保軍城持余旌旆  
念其智勇足可嘉稱且謀不自于衆人罪止歸于元  
惡既除心腹之患永固邦國之基某見親往東川慰

諭君民 六月軍府將吏等詣衙陳狀請川王令公  
通押兩川公事

四年春觀察判官元濤上疏請行墨制曰伏以我  
蜀被山帶江足食足兵實天下之強國也我公本仁  
祖義允文允武乃天下之賢主也以我公之賢托土  
開封取威定霸固得其宜矣而況內則有紅蓮上客  
叅帷帷之謀外則仗細柳將軍專斧鉞之任率土之  
內足可保磐石之固泰山之安願惟冗賤何補高明  
但念智者百慮必有一失愚者百慮必有得一狂夫

之言聖人擇之樵量之歌哲王聽之敢罄多詞誠慚  
管見仰干朗鑒伏切怔忡竊以惟賞與刑國之利器  
懲惡勸善君之要權不可偏行尤須具舉歷觀往典  
備考前規或王命而不通或官室以多難列國率聞  
于專制諸侯或可以逆叔苟有利于生靈又何律于  
通變昔來歎鄧禹擅命于征伐之間蜀主岐王承制  
于隔絕之際際俱非已實欲安人昨鄰近諸藩間謀  
上國有虎視狼貪之意阻君臣魚水之歡添益兵師  
動搖生聚况我公恒修貢職不虧楚子之茅遂據

邪竟擲魯參之杼以至兩川歎血合從連衡列較齊  
心奉辭伐罪今則旋平狄穴漸拓鴻基立功者志望  
昇榮向化者皆思叙進方屬途路有阻思信未通二  
星不見于雲霄三蜀久憊于雨雪將期勸善切在報  
功疇庸合議于策勲列爵宜遵于故事自今以後若  
且行墨制以布鴻恩式副羣情無虧大體先宜曉諭  
後可施行所冀設爵待功免授踰時之賞允宜稱霸  
之宜 秋七月唐國進封蜀王冊曰朕祗受天賚度  
荷帝圖敷大信而仰法吳穹秉至公而俯臨億兆彰

善彈惡必分泣涓之流崇德報功敢忘山河之誓其  
有榮聯戚里任重侯藩佐白水而中興為皇家而盡  
節雖勞綠註誤而竟保忠貞疏鑿未通潮海之波瀾  
整阻氛霾既定拱辰之光耀如初表章皆驗于推誠  
琛賚遠修于述職得不顯其忠赤懋以旌鼎益敦魚  
水之歡永契君臣之道爰求吉日乃降徽章具官孟  
某五緯佐天三山鎮地七年乃辨真為梁棟之材十  
德俱全信是琮璜之器先皇帝經綸八極濟活兆人  
李通首述其緯書擲禹常恭于霸業同心同德竟扶



歸馬之朝不伐不矜固恃濯龍之寵洎朕纂承夙紀  
繫爾鎮守龍城缺石弥堅菁茅不匱山川險絕每度  
白日之心玉帛駿奔來助郊天之礼有臣若此當代  
何加董璋久作厲階終萌逆節既辜恩于覆載欲嫁  
禍于勳賢疊以封章疏其鄰道虔劉我生哀離間我  
忠良尔外示叶同潜懷憤激衷罄言而誘諭彼既不  
回同良便以誅鋤乃期自雪以致敢驅叛黨徑逼仁  
封吹虺毒以傷神奮豺牙而暴物尔則妙施成筭徑  
出全師輦鼓終鳴旋聞落爪窠巢自潰以致噬臍梓

州之妖氣風驅涪水之狂波鏡淨解吾宵肝賴尔韜  
鈴固當銘在景鐘豈止光于信史况復脩翰懇款益  
驗傾虔叙魯館之黃錄述沛中之事舊深心可見亮  
節期彰不有疾風焉知勁草倘無異數曷報崇庸由  
是並築將壇顯陞王爵兼兩藩之真壤啓一字之真  
封仍循益地之通規別改旌功之懿號賜之旌鉞冊  
以輅車雖加等之寵光尔皆不忝在睦親之義予予  
亦無慙於戲天鑒甚明為善者降之福祉君恩不賞  
立勳者厚以獎酬唯教慎始終可延長于富貴勉承

允澤米鎮坤維可授依前檢校太尉兼中書令行成  
都尹劔南東川兩節度使管内營田觀察處置稅種  
近界諸蠻蕞西山八國雲南安撫制置等使仍封蜀  
王加食邑一千五百戶實封二百戶改賜忠貞匡國  
保大功臣散官勳如故仍令所司擇日脩禮冊命主  
者施行 秋八月下教曰 取威定霸乃公侯叔變  
之方捨爵策勳乃皇王叙酬之典其或兵屯萬旅地  
廣三川周環列國之山河奄有全蜀之封部倘不從  
權而徇衆則稽錄効以報功今稟命于中朝得專制

而行賞但念承世家之餘慶受旌節之殊榮窮奢極  
侈固斷意而不為講武教民在安邊而有作往歲方  
勤述職務保永圖不幸諸藩構成深隙此際主兵將  
帥爭陳排難之功運策賓僚咸展出奇之略因興武  
旅分蕩渠魁累破竹以焚枯連開疆而拓土其次諸  
司奉職庶吏推誠咸著勳勞豈忘獎荅一昨聖上以  
顯分忠佞遂降冊封礪岳帶河銘大君之異寵輅車  
珠冕表列國之殊榮仍示優崇俾行墨制上自藩方  
之任下及州縣之官凡陟幽明許先而後秦自可保

不僭不濫之典賞立功立事之人必無患于不均庶  
有親于允當布告遐邇咸使聞之知

長興五年夏四月文武勸進即皇帝位大赦國內改  
唐長興五年為明德元年以副使趙季良為相掌書  
記毋昭裔為御史中丞掌書記李昊觀察判官徐光  
溥翰林學士左右馬步軍都指揮使李仁罕趙廷隱  
張業侯洪實分掌軍權 夏四月庚午朔地震興元  
節度使張虔劉武定節度使孫漢韶率部來歸由是  
盡得山南土宇兵甲 秋七月己亥朔甲子帝寢疾

而崩英和陵廟號高祖遺制冊元子昶于樞前即皇  
帝位年十四翌日殺李仁罕并其左右佞者宋讓等  
數人初仁罕入蜀後光馬步軍都指揮使恣為奢豪  
前蜀主元妃有國色欲娶之又惧高祖至是乃有跋  
扈之意樞密使王處回左廂馬步都指揮使趙廷隱  
慮其難作遂請殺之

三年春三月地震

四年晉高祖發兵侵昭武至劍門保寧軍節度使趙  
廷隱領兵拒退之是歲改為廣政元年 秋八月大

水

二年三年邊陲無擾百姓豐肥以輔相得人

四年夏四月蝗

五年春閏三月甲申西域胡僧來朝

六年至九年大有

十年秋七月殺宰相張紫以其判度支虐徵商稅于是籍沒其家樞密使侍中王處回免官致仕上以翰林學士李昊徐元溥為相伊審徵為通奏使知樞密院事

上始親臨庶政是月秦川節度使何重建鳳州節度使石奉頽率所部來歸

十一十二年時平倍阜

十三年春始置貢舉

十五年夏六月大水入京城漂蕩五門以其城內溺死者衆于是大赦境內 秋九月東川兵馬都監王承丕反殺知府刑部侍郎郭延鈞并家族于是都指使孫欽率手下兵士斬王承丕首級奏送宣差家者使趙季札往梓州安慰夷王承丕家族



十八年冬上國舉兵攻秦州蜀失之  
十九年戎瀘州獠賊羅駐雅及左街都巡檢使趙季  
文討降之

二十一年昌州獠反殺巡檢使趙漢瓊等于是左界  
巡檢使申彥塘討平之

二十四年冊皇太子  
二十五年行用鐵錢

錦里耆舊傳卷三

錦里耆舊傳卷四

起偽廣政二十四年冬至乾德四年春

前榮州應靈縣令勾

延慶 纂

國朝收蜀十二月癸亥偽蜀太子秦王玄喆統領兵  
士至劍門時招武諸路兵馬並已奔退遂回入城

正月癸酉前軍都陪署王大傳全斌統領大軍至漢  
州界 蜀主差偽通奏使伊審微走馬送降款

七日前軍都署尋請先鋒都監康延澤入城安撫  
十九日大軍至昇迂蜀主具礼降 二月四日南路

戰棹都步署劉太傅光又收峡路至府是歲大宋乾

德三年也 十七日蜀主與傷太后妃嬪發離成都  
水路下峽朝天光差弟傷雅王仁贄北路表馬奉表  
曰 臣聞三皇御宇萬邦歸有道之君五帝垂衣六  
合順無為之化其或未知曆數猶昧存亡致與天討  
之師寔懼寔臨之罪敢祈英曆俯聽哀鳴臣誠驚誠  
懼頓首 伏念生自并門長于蜀地幸以先君之  
基構得從幼歲以纂承只知四序以推遷不識三靈  
之改卜伏自皇帝陛下大明出震感德居軋声教被  
于遐荒慶澤流于中夏當凝旒玉殿之始闕小以事

大之儀洎告類 圓立已來稽執玉持帛之敬蓋蜀  
地途遐僻阻隔微猷已慙先見之明因有後時之責  
今則皇威赫怒聖畧風行干戈所指而無前輩鼓鐃  
施而自駭山河郡縣半入于華封將卒倉儲幸歸于  
文籍但念臣中外二百餘口慈母七十餘年日承訓  
撫之恩粗効孝慈之道實願克終甘旨莫保衰年其  
次則子孫之團圓守血食之祭祀伏乞皇帝陛下容  
之若地蓋之如天特軫仁慈以寬危辱臣輒敢微其  
故實上瀆宸聽竊念劉禪有安樂之封叔寶有長城

之號背思歸款得獲生全願眇昧之餘免得保全而  
為幸庶使先君寢廟不為樵採之場老母庭除且有  
問安之便見今保全府庫巡邊軍城不使毀傷終期  
臨照車書混其文軌正朔奉于靈臺敢布腹心恭聽  
赦宥臣謹率文武見任職負望闕拜首上表歸命披  
瀝肺肝以聞 又上宰臣樞密使狀 竊念頃自北  
京即隨先父洎臨西蜀嗣守餘基自量小國之封疆  
常阻大朝之正朔伏自皇帝登位宸極禮盛郊禋令  
預梯航願同臨照而以阻遙障險稍易歲時今則遠

勞王師恭行天討有征無戰詎可抗威棄甲倒戈尋  
皆効順具陳降款上達冕旒所希者存濟活于蒼生  
報劬勞于老母忠惟奉主孝則養親固于生平無所  
覬望許男術辭已蒙解釋之儀虞舜垂衣佇保安全  
之望丹誠備寫雪涕難勝伏惟某官叶贊萬机懷柔  
八表迴敷息信並及幽遐願垂前席之言特加敷奏  
冀遂保家之懇終養晨昏烏及哺以知恩竊將比舍  
雀樹環而報德以荷生成倚賴感銘陳詞罔盡遐瑋  
德宇但滙虔誠今專遣親弟仁贊詣闕上表待罪勅

蜀主省上表率文武見任官等望闕滙懇歸命事具  
悲朕自皇天降命率土樂推將期德報萬方不恃威  
加四海乃勝益部僻處一隅苟黎庶之獲安非徑營  
之在意一昨灾纏蜀地豈自并門既興王者之師遂  
授將軍之鉞事非獲已須用至兵我具真詞彼衆自  
敗下劍門而賈勇指井絡以長驅中宵火燃兆庶何  
罪徑馳驛騎嚴戒前鋒廣宣來者之懷徧諭弔伐之  
意果能率官屬而効順拜表疏以祈恩託我慈親述  
乃寢廟封府庫而待罪保生聚以輸誠朕方示信懷

來不逼人險保無他慮當休優隆固有舊章不遠來  
請所宜志也春寒想比清休書旨不多及 四月一  
日殺西川兵士三萬人初前軍都部署瑯琊公受降  
入城後應是西川歸降兵士並皆安撫相以點數要  
起發赴京衆軍動搖將謀作亂乃引就夾城內點棟  
俾其不意遂盡殺之 叅政呂侍郎餘慶知成都府  
軍府事偽蜀指揮使全師雄及自稱王據漢州金堂  
縣三學山聚徒數萬人攻成都并諸縣與官軍格鬪  
又陵州賊袁廷裕反資州黃承浦善州劉澤時人說



之劉硬弓昌州趙令等及各據本州與金師雄應接  
所在州郡道路不通又嘉州馬承逸反屯犍為山進  
攻州城前軍戰棹副部署武懷節擊破之盡戮徒黨  
夏五月十六日蜀主到京朝見皇帝外時御大明殿  
蜀主見左右金吾六軍儀仗殿中省法物並于殿前  
卓立三軍于明德門外着隊排立蜀主并弟仁贇男  
玄喆等宰臣字昊已下三十三人五更三點自玉津  
園乘馬到明德門西廊幕次下馬至寅時着白衫小  
帽子勒帛詣明德門立班閣門使李廷憲至蜀主遣

官屬一員持表待罪將入大內奉傳宣旨釋放勅示  
諭並俯伏于地令通事舍人持起有勅取法上天廣  
覆下土既叶混同之慶永垂臨照之光方喜來朝何  
勞俟罪體茲賸待無至競憂蜀主已下謝恩訖奉宣  
賜衣服僕頭靴笏等謝恩却歸幕次換衣服冠帶各  
乘馬入厚載門右銀臺門下馬閣門使李廷憲引蜀  
主入明德殿外幕次祇候見蜀主進

金器八百兩

玉腰帶二條

銀錠一萬兩

集賢相公叅知政事侍郎及文武官已下江南兩浙  
進奉使並立班陪位稱賀宣徽使承旨奉禮畢索扇  
下簾皇帝歸內皇帝自大內乘逍遙子明德樓宣  
詔蜀主已下上樓立班奉宣慰諭諸軍于樓前逐隊  
安歸營後却乘逍遙子赴大明殿宴奉宣宰臣蜀主  
已下並赴宴動教坊樂蜀主進

金酒器一副重一百六十兩

通龍鳳犀腰帶一條

宰臣節相已下進賀

蜀主朝見宣賜蜀主

衣一副六件

玉胛帶一條

金鞍轡馬一匹

散馬五匹

絹五千疋

錦綺綾羅紗縠衣著一千疋

錢三千貫文

金鍍銀稜瓷器四百事

銀漆稜器千六百事

素漆器五百事

錦繡被毡褥二副

宅一院四百八十間

鋪陳售用什物全

又賜國母李氏

衣一對

絹一千疋

錦被袍褲鋪陳金

金器三百兩  
售用銀器一千兩

蜀主弟仁贇仁裕仁椿男玄喆玄珪各賜

衣一襲

僕頭靴笏等

玉腰帶

銀器各七百五十兩

衣著各五百疋

絹各一百疋

散馬各一匹

金鍍銀鞍馬各一匹

錦被袍褲鋪陳金

雅王孟仁贇別宣賜

交椅水罐銀大燎爐并銀器二百五十兩

尋有除目

歐陽炯左散騎常侍

李昊工部尚書

毋守素工部侍郎

張元倣工部郎中

胡韞司天少監

郭徽膳部郎中

韓保昇殿中監

高諷太府卿

尹文舉駕部郎中

范禹偁鴻臚卿

劉昂少府少監

韓嶼庫部郎中

鮮于撻祠部員外郎

趙元拱虞部員外郎

丘世隆比部員外郎

孟仁贊右神武軍統軍

孟仁搢左監門衛上將軍

孟仁裕右監門衛上將軍

孟玄珽左千牛衛上將軍

王昭遠右千牛衛上將軍

李進右千牛衛大將軍

景處塘左羽林衛大將軍

袁可鈞左屯衛大將軍

高延昭左驍銳大將軍

蘓廷超清道率府率

李遵皓左監門率府率

授蜀王秦國公制

門下伯尚導川黑水本梁州之域河圖括象岷山真  
井絡之墟考職方之地圖比劍南之微道屬中原  
事遠服未賓山河既限于侯封車服遂踰于王制朕  
削平屬縣重正皇綱復周漢之舊疆寵佞群后採唐



虞之大訓協和萬邦六載于茲百揆時叙禮樂征伐  
之柄出自朕躬蠻夷戎狄之鄉咸修職貢一昨順光  
庚而受律法時而以興師舜干暫舞于兩階湯網  
開于三面弔民之罪朕無愧焉咨尔偽蜀王孟昶  
生公族稟慶侯門值唐朝將季之辰製蜀士已成之  
業撫彼郡邑久歷歲華而能察天地之惡盈知神人  
之助順盡率群吏來降大君望北以拜章指南陔而  
請命得不開懷禮遇撫弱流思官班特越于彝章保  
護弥光于大信豈比夫魏封劉禪絳升驃騎之班隋

待蕭瑀惟列莒公之號今茲示寵以故從人命作帝  
師俾容開府帶漢相專車之貴列秦川萬戶之封併  
而授之斯為異數仍加祿俸用表優隆尔宜思前代  
之命官体我朝之加等勉荷非常之澤無忘匪懈之  
心服佩恩光往殘厥位可封秦國公

授孟元喆兗節度使制

門下朕聞魏將降蜀君臣俱列于散官隋帝平陳子  
弟不聞于封爵皇家順景風而行賞同時而以濟師  
當敵境未賓震下戒嚴之令暨危邦請命雲垂利澤

之恩矧渡降晏古封掌武崇秩曲阜是伯禽之圖太尉乃周勃之官山河距九州之雄紱冕冠三公之貴舉為賞典斯寔異恩魏國長子孟玄詰禮法矜莊神彩英秀駛修途于早歲播令聞于蜀川正朔未同于列國而人稱世子車書既混于太朝而自是良臣以尔昔在三川常居二職贊厥父之効順保祖母之高年予嘉乃心豈限彛制是命陟將壇于東夏整武事于南宮憲秩封侯用光殊渥將表臨戎之寄更增光祿之勳尔其分天子之憂勤出將軍之令與其改

無易調不若從容以安民布政頒條予誠有望榮家奉國尔其勉之

夏六月蜀主薨遣表曰

臣聞大數有限萬化無窮歷觀今古以攸同在賢愚而不免將放手而歸土再瀝懇而聞天臣誠悲誠慙頓首：伏念臣謬承父業竊據坤維數千里之山河四十年之統揖雖有臨深之惧且無事大之規是以遠勞王師恭行天討上思老母下念生民潛收拒轍之心旋露投戈之請伏惟皇帝陛下俯行道廣求

遠思寬遐頌彩鳳之書遞釋牽羊之罪伏自速輝錦  
里獲覩瑤輝帝澤天恩曾無虛日皇華驛騎長是五  
門仍賜官勳方圖朝謝不謂偶索疾疹遽覺沉微伏  
蒙皇帝陛下軫睿念以殊深降國醫而荐至比冀稍  
聞瘳損何期漸見弥留將別聖朝即歸幽壤絕拜章  
于雙闕一息雖存命易簣于病躬五神已耗伏惟皇  
帝陛下長新鳳曆永霸鴻圖鎮居四海之尊永作兆  
民之慶臣之老母臣之遺孤仰荷聖恩夫復何憂臣  
無任瞻天恋聖涕泗激切屏營之至

夏六月十九日榮州賊楊德暉等反陵州袁廷裕助  
五千餘人圍邇州城是月二十六日南路都部署彭  
城公討平陵州賊袁廷裕二十九日楊德暉潰散所  
在縣鎮遞截梟 畧盡 秋九月嘉州指揮使呂翰  
及殺前軍戰棹副部署武懷節據州城自称相府是  
月漢州山菁賊全師雄死徒黨潰散 冬十一月彭  
城公擊呂翰破之收下嘉州  
四年春三月資州賊黃承浦榮州賊楊德暉等歸投  
起遣上京自楊德暉趙令等脅從夷獠依附山林據

衆叛離不順朝化南路都部署彭城公命偏將討平  
之今則汙萊之因盡開崔蒲之盜漸除萬民知歸而  
蜀寧靜觀堯湯之代惟億兆之心矣

錦里耆舊傳卷四



*[Faint bleed-through text from the reverse side of the page]*